

LIII CONCURSO DE GAITAS DO PAÍS DE PONTEAREAS. 2020

O Concello de Ponteareas, no seu afán por promover e difundir a música tradicional galega, convoca para o vindeiro sábado 19 de setembro de 2020 a *LIII EDICIÓN DO CONCURSO DE GAITAS DO PAÍS*, consolidándose coma a festa musical da súa especialidade máis antiga de Galiza e colocando Ponteareas como referente no panorama da música tradicional galega.

Bases:

1º.- Poderán participar no concurso todos os grupos de gaitas que toquen con instrumentos tradicionais galegos, sen modificación de ningún tipo. Pódense presentar tanto persoas físicas como xurídicas.

2º.- Documentación a presentar

-Anexo 1 - **Solicitud**. Modelo facilitado polo Departamento de Cultura Municipal departamentocultura@ponteareas.gal ou na web do Concello.

A) Se o grupo pertence a unha asociación ademais ten que presentar:

-Copia do CIF da asociación.

-Copia do DNI do presidente ou representante.

-Anexo 2 - **Autorización asinada polo presidente** para a consulta se a asociación está ao corrente nos pagos coa Seguridade Social, e coa administración estatal e autonómica (AEAT e ATRIGA).

-Anexo 3 - Ficha de Terceiros **ou Certificación da conta bancaria**, incluíndo o número de conta onde se ingresará o premio ou a gratificación.

-Anexo 4. Inclúe:

- **Certificado** do/da secretario/a co nome do/da presidente/a da asociación ou persoa autorizada, segundo se recolla nos estatutos da asociación, para asinar as declaracións que se achegan no documento.
- Declaración conforme a **asociación no ten ánimo de lucro** e está legalmente constituída.
- Declaración de non atoparse en ningún dos supostos de **incapacidade ou incompatibilidade** para a percepción de subvencións ou axudas públicas.



B) Se é un grupo de gaiteiros pero non pertence a unha asociación:

Cada un dos integrantes **debe cumprir os requisitos de xeito individual. O premio será distribuído a partes iguais entre os integrantes do grupo** e xunto coa inscrición presentará:

-Copia do DNI

-Anexo 2 Autorización asinada polo participante para a consultar se está ao corrente nos pagos coa Seguridade Social, e coa administración autonómica e estatal.

-Anexo 3 - Ficha de Terceiros ou **Certificación da conta bancaria**, incluíndo o número de conta onde se ingresará a parte proporcional do premio o premio ou a gratificación.

Na solicitude indicárase o nome e apelidos co DNI dos compoñentes do grupo que poderán ser reclamados pola organización en calquera momento do concurso.

É importante que cada grupo indique na inscrición o enderezo postal, o enderezo electrónico e número de teléfono de contacto dun representante do grupo. O día 14 de setembro, o Concello resolverá a listaxe de grupos admitidos no concurso, notificándollo a todos os inscritos.

A **Solicitud de inscrición** presentárase por **Rexistro de Entrada** do Concello de Ponteareas a través da sede electrónica ou a través de calquera das formas previstas no art. 16.4 da Lei 39/2015, de 1 de outubro, do procedemento administrativo común das administracións públicas (LPACAP), de balde.

O **prazo de admisión** de solicitudes comeza ao día seguinte da publicación no BOPPO o extracto enviado á Base de Datos Nacional de Subvencións (BDNS) e **remata o día 07 de setembro de 2020**.

3º.- O número mínimo de grupos de gaitas participantes será de seis (6) e o máximo será de vinte (20). O día **18 de setembro** realizarase o **sorteo** en presenza do Secretario do Concello ou da persoa na que delegue e os participantes que queiran asistir.

As/os compoñentes dos grupos participantes non poderán participar na mesma edición do concurso formando parte de máis dunha banda. Farase unha lista de agarda por orde de inscrición para os casos de renuncia.

4º.-Os instrumentos obrigatorios para concursar serán: dúas gaitas, un bombo e un tamboril. Non serán admitidos máis instrumentos dos enumerados nin menos, debendo os participantes vestir o traxe tradicional galego completo.

5º.- Os grupos participantes estarán ás **16:30 horas da tarde do sábado, día 19 de setembro de 2020, diante do edificio da Casa do Concello** de Ponteareas, vestidos co traxe tradicional



galego completo e realizarán unha ruada interpretando melodías galegas ata o Auditorio na orde establecida no sorteo co do *LIII CONCURSO DE GAITAS DO PAÍS* de Ponteareas.

6º.- Os grupos participantes interpretarán dúas pezas de libre elección que serán de raíz melódica galega. O tempo total das dúas pezas non superará os 8 minutos e non se admitirá a interpretación de suites nin de popurrís.

7º.- Permítese a afinación dos instrumentos musicais no escenario. Terminadas as interpretacións, o xurado resolverá ao seu criterio a clasificación dos grupos participantes. O xurado é competente para declarar deserto algún dos premios.

8º.- O xurado do *LIII CONCURSO DE GAITAS DE DO PAÍS* de Ponteareas estará composto por dona Nadia Vázquez, don José Manuel Gil Rodríguez, dona Xulia Feixoo Martínez, don Antonio Gutiérrez Pereira, dona Sabela Olivares e Óscar Ibáñez.

9º.- Todos eles recoñecidas/os gaiteiras/os e personalidades do mundo da gaita e da música tradicional de Galiza.

10º.- O grupo gañador comprométese a actuar de teloneiro do concerto que terá lugar na noite do concurso coa interpretación de cinco pezas.

Para recoller o premio deberán subir ao escenario todos os compoñentes de cada un dos grupos clasificados nos catro primeiros postos, vestidos co traxe tradicional galego completo.

11º.- O *LIII CONCURSO DE GAITAS DO PAÍS* de Ponteareas estará dotado dos seguintes premios:

- | | |
|-------------|-----------------------|
| ▪ 1º PREMIO | 1.800,00 euros |
| ▪ 2º PREMIO | 1.200,00 euros |
| ▪ 3º PREMIO | 900,00 euros |
| ▪ 4º PREMIO | 600,00 euros |

O primeiro premio tamén obterá unha **gaita** de *Gaitas Gil* e un **tamboril** de *Sanín Percusión*, **doados por Artesanía de Galicia**.

O Concello de Ponteareas outorgará unha gratificación de 300,00 euros aos grupos en concepto de participación, agás o 1º premio, o 2º premio, o 3º premio e o 4º premio, conforme a das Bases de Execución do Orzamento Municipal.

O crédito que se dispón para outorgar os premios e gratificacións será de 7.800,00 euros, con cargo ao orzamento vixente.

12º.- Os premios e gratificacións estarán suxeitos ás correspondentes retencións establecidas por lei.



13º.- A participación nesta convocatoria implica a aceptación das normas recollidas nestas bases e a conformidade coas decisións da organización e do xurado, decisión que será inapelable, sen dereito a reclamación ou recurso ningún.

Ponteareas, asinado electronicamente,

